

ერთის მხრივ სსიპ „შემოსავლების სამსახური“ სამსახურის ფინანსური დეპარტამენტის უფროსის მიხეილ ახვლედიანის სახით (შემდგომში „შემსყიდველი“) იურიდიული მისამართი ქ. თბილისი, გორგასლის ქ. №16, ს/კ #204525585 სახელმწიფო ხაზინა, კოდი №TRESGE22, ანგარიში/სახაზინო კოდი 70701

(ორგანიზაციის დასახელება და იურიდიული მისამართი)

და მეორეს მხრივ შპს „13“ (შემდგომში მიმწოდებელი), მისი დირექტორის ლაშა ბირკაძის სახით, იურიდიული მისამართი: ქ. თბილისი, დიდუბე-ჩუღურეთის რაიონი, გ.ზაზიაშვილის ქ. №6, ს/კ 402012629, სს „თიბისი ბანკი“ კოდი TBCBGE22, ა/ა GE14TB7448836080100003

(ორგანიზაციის დასახელება, იურიდიული მისამართი და საბანკო რეკვიზიტები)

1. ხელშეკრულების ღირებულება

შემსყიდველმა, სსიპ შემოსავლების სამსახურის მიერ გაწეული მომსახურების საფასურიდან მიღებული სახსრებით, გამოაცხადა აუციონის გარეშე ელექტრონული ტენდერი **(NAT220017215) ვიდეორგოლის გადაღების მომსახურების** (92111000 - მომსახურებები კინო- და ვიდეოგადაღების სფეროში) სახელმწიფო შესყიდვაზე და ტენდერის შედეგად მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება **39 713.00 (ოცდაცხრამეტი ათას შვიდას ცამეტი ლარი და 00 თეთრი)** ლარად (შემდგომში ხელშეკრულების ღირებულება).

2. ხელშეკრულების შესრულების კონტროლი

- 2.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.
- 2.2. ხელშეკრულების მიმდინარეობის კონტროლის მიზანს წარმოადგენს:
 - 2.2.1. მომსახურების მიწოდების ვადების ხელშეკრულების მოთხოვნებთან შესაბამისობის დადგენა;
 - 2.2.2. შესაბამისი შემოწმების აქტის საფუძველზე გაწეული მომსახურების ან/და მისი ნაწილის ხარისხის ხელშეკრულების მოთხოვნებთან შესაბამისობის დადგენა ინსპექტირების აქტის გაფორმება.
 - 2.2.3. სახელმწიფო შესყიდვის შესახებ ხელშეკრულების პირობების შესაბამისად წარმოდგენილი დოკუმენტების საფუძველზე მიმწოდებლის მხრიდან ხელშეკრულებით ნაკისრ ვალდებულებებზე კონტროლის განხორციელება, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება.
- 2.3. ხელშეკრულების შესრულების კონტროლს ახორციელებენ სსიპ „შემოსავლების სამსახურის“-ს უფროსის ბრძანებით განსაზღვრული პირთა ჯგუფის უფლებამოსილი წევრი ან წევრები.

3. შესყიდვის ობიექტის მახასიათებლები

- 3.1. მომწოდებელმა უნდა უზრუნველყოს გრაფიკული ვიდეორგოლის და Full HD ფორმატში ვიდეორგოლის დამზადება ხელშეკრულების დანართი N1-ის შესაბამისად.
- 3.2. გრაფიკული ვიდეორგოლის და Full HD ფორმატში ვიდეორგოლის დამზადება:
 - ვიდეორგოლი I - გრაფიკული, ხანგრძლივობა: 30 წამი.
 - ვიდეორგოლი II - ვიდეო ფორმატში დამზადებული, უწყების შესახებ, საიმიჯო ვიდეორგოლი, ხანგრძლივობა: 1 წუთი (იგივე ვიდეორგოლის შემოკლებული ვერსიის ხანგრძლივობა - 30 წმ).
 ვიდეორგოლებმა საზოგადოებას უნდა მიაწოდოს ინფორმაცია შემოსავლების სამსახურის შესახებ და გააცნოს ის ახალი, გამართიებული ელექტრონული სერვისები, რომლებიც გადასახადის გადამხდელისთვის დაინერგა.
- 3.2.1. გრაფიკული ვიდეორგოლის სამუშაოს აღწერა:

გრაფიკული ვიდეო რგოლის დამზადება:

მიმწოდებელმა ვიდეორგოლის დამზადების პროცესში, ვიდეორგოლის შინაარსობრივი, ვიზუალური და ხმოვანი მხარე (კადრების შერჩევა, გრაფიკის არჩევა, მონტაჟი, ფერთა კორექცია, მუსიკა, ხმოვანი ეფექტები, კადრის გარეთ ხმა) უნდა შეათანხმოს „შემსყიდველთან“ (შემოსავლების სამსახურის საზოგადოებასთან ურთიერთობის და მარკეტინგის დეპარტამენტის წარმომადგენლებთან). გრაფიკული ვიდეორგოლი უნდა იყოს ქართულ ენაზე.

ვიდეორგოლის გავრცელება შესაძლებელი უნდა იყოს, როგორც სოციალურ ქსელში, ისე სატელევიზიო სივრცეში.

გრაფიკული ვიდეორგოლის დამზადება უნდა მოხდეს შემდეგი ტექნიკური მახასიათებლებით:

 1. საქართველოს სატელევიზიო სტანდარტი - SD DV PAL (16:9)
 2. კადრის მიღმა ხმის სტუდიური ჩანაწერის - 16 bit. 48khz.

(მაღალი გარჩევადობის ფორმატით/დეფექტისა და წუნის გარეშე)

 4. ფერების სემპლინგი: 4:2:2
 5. ანიმაცია: 3D

სამუშაოების დაწყებამდე მიმწოდებელმა უნდა უზრუნველყოს იდეური კონცეპციის შემუშავება. შემსრულებელმა შემსყიდველის მიერ დამტკიცებულ კონცეპციაზე უნდა ააგოს გრაფიკული ვიდეო რგოლი. რგოლის კადრს მიღმა ტექსტი უნდა შექმნას მიმწოდებელმა, ხოლო ტექსტი უნდა ჩაწეროს პროფესიონალმა მსახიობმა. გრაფიკულ ვიდეორგოლს უნდა ახლდეს ორიგინალური მუსიკა რაზეც მიმწოდებელს უნდა გააჩნდეს სრული საავტორო უფლება.

დამზადებული/დასრულებული ვიდეორგოლი შემსყიდველს უნდა მიეწოდოს დისკით ან მეხსიერების ბარათით.

საბოლოო პროდუქტი შესრულებული უნდა იყოს მაღალი ხარისხით. შესყიდვის ობიექტის დამზადებისა და მიწოდების შემდეგ მიმწოდებელი ვალდებულია შემსყიდველის მხრიდან რაიმე სახის ხარვეზის აღმოჩენისა თუ შენიშვნის შემთხვევაში, გაითვალისწინოს ისინი და შეიტანოს შესყიდვის ობიექტში შესაბამისი შესწორებები უსასყიდლოდ.

3.2.2. Full HD ფორმატი ვიდეორგოლის სამუშაოს აღწერილობა:

ვიდეო ფორმატში გადაღებული საიმიჯო/საინფორმაციო ვიდეორგოლის აღწერილობა

ვიდეო გადაღებები განხორციელდება შემოსავლების სამსახურის წინასწარ შერჩეულ მოქალაქეთა მომსახურების სერვისცენტრებში, ასევე გაფორმების ეკონომიკურ ზონებსა და საბაჟო გამშვებ პუნქტებზე (საქართველოს მასშტაბით ჯამში 7 ლოკაცია).

გადაღებაში ჩართული იქნება მომსახურების დეპარტამენტისა და საგადასახადო მონიტორინგის ოფიცრები, ასევე საბაჟო დეპარტამენტის მებაჟე ოფიცრები.

ვიდეორგოლის ხანგრძლივობა არ უნდა აღემატებოდეს 60 წამს (ვიდეორგოლის შემოკლებული ვერსიის ხანგრძლივობა - 30 წმ). ვიდეორგოლი უნდა იყოს კადრს მიღმა ხმის გარეშე. ვიდეორგოლს უნდა ახლდეს ორიგინალური მუსიკა რაზეც მიმწოდებელს უნდა გააჩნდეს სრული საავტორო უფლება.

ვიდეორგოლის გავრცელება შესაძლებელი უნდა იყოს, როგორც სოციალურ ქსელში, ისე სატელევიზიო სივრცეში.

ვიდეორგოლის ტექნიკური მახასიათებლები:

სარეკლამო კლიპის გადაღება უნდა განხორციელდეს 4K ვიდეო ფორმატში. მონტაჟი და ფერთა კორექცია უნდა მოხდეს უახლესი პროგრამებით და საჭიროების მიხედვით გამოყენებული იქნება გრაფიკული ელემენტები. ვიდეორგოლის გადაღებისას გამოყენებული უნდა იყოს არანაკლებ 1 (ერთი) კამერა - 4K - გაფართოების/სრული ოპტიკური აღჭურვილობით. ვიდეოს გადაღება განხორციელდება RAW ფორმატში, გადაღების დროს (საპაერო კადრებისთვის)

გამოყენებული უნდა იყოს დრონი აღჭურვილი 4K/60p 120 Mbps კამერით. ასევე, არანაკლებ 1 (ერთი) სატელევიზიო რელსი (ურიკა), ასევე არანაკლებ 1 (ერთი) სატელევიზიო ამწე მინიმალური სიგრძით 12 მეტრამდე. ვინაიდან 7 სხვადასხვა ლოკაციაა გადასაღები კომპლექტში უნდა შედიოდეს ამწეს აწყობის ყველა შესაძლო ვარიანტი (მიდა და გარე გადაღებები).

ამასთან, ვიდეორგოლზე მუშაობისას უნდა განხორციელდეს მოქალაქეთა მომსახურების სერვისცენტრების/გაფორმების ეკონომიკური ზონების/საბაჟო გამშვები პუნქტების 3D ვიზუალიზაცია და გადაღებულ მოძრავ კადრებში რეალისტური ინტეგრაცია. განათების სრული კომპლექტი 1 (0000-30000KW), კამერის სტაბილიზატორი, დამოუკიდებელი დენის წყარო/გენერატორი. ვიდეორგოლის გადაღების პროცესში ჩართული მონაწილეებისთვის/მსახიობებისთვის პროფესიული ვიზაჟისტის მომსახურება და კოსტიუმერების მომსახურება. საბოლოო პროდუქტი გადაღებული უნდა იქნეს უმაღლეს 4K ხარისხში.

მომწოდებელმა უნდა უზრუნველყოს: მონტაჟი, გრაფიკა, მუსიკალური გაფორმება, ფერთა კორექტირება.

სამუშაოების დაწყებამდე შემსრულებელმა უნდა უზრუნველყოს იდეური კონცეპციის/ვიდეო რგოლის სცენარის შემუშავება. შემსრულებელმა შემსყიდველის მიერ დამტკიცებულ კონცეპციაზე უნდა ააგოს ვიდეორგოლი.

დამზადებული/დასრულებული ვიდეორგოლი უნდა ჩაბარდეს 4K და Full HD გაფართოებით.

დასრულებული ვიდეორგოლი შემსყიდველს უნდა მიეწოდოს ელექტრონულად დისკით ან მეხსიერების ბარათით.

ვიდეორგოლი გადაღების პროცესი მონიტორინგს დაექვემდებარება შემსყიდველის მხრიდან. ვიდეოგადაღების პროცესი და დასრულებული ვიდეორგოლი სრულ შესაბამისობაში უნდა იყოს ტექნიკურ აღწერილობაში არსებულ მოთხოვნებთან.

საბოლოო პროდუქტი შესრულებული უნდა იყოს მაღალი ხარისხით. შესყიდვის ობიექტის დამზადებისა და მიწოდების შემდეგ მიმწოდებელი ვალდებულია შემსყიდველის მხრიდან რაიმე სახის ხარვეზის აღმოჩენისა თუ შენიშვნის შემთხვევაში, გაითვალისწინოს ისინი და შეიტანოს შესყიდვის ობიექტში შესაბამისი შესწორებები უსასყიდლოდ.

4. მომსახურების მიწოდების პირობები

4.1. მომსახურების გაწევა უნდა განხორციელდეს ხელშეკრულების გაფორმებიდან **45 (ორმოცდახუთი)** კალენდარული დღის ვადაში.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად გაწეული მომსახურების შესაბამისად.

5.2. იმ შემთხვევაში თუ, გაწეული მომსახურება შეესაბამება ხელშეკრულების დანართი №1-ით (სატენდერო დოკუმენტაციის დანართი №1) გათვალისწინებულ მოთხოვნებს, ხელშეკრულებით განსაზღვრული პირი მიღება-ჩაბარების აქტის საფუძველზე ახორციელებს გაწეული მომსახურების მიღებას, ხოლო თუ, მომსახურების პროცესში გამოვლინდება, რომ იგი არ აკმაყოფილებს ხელშეკრულების დანართი №1-ით (სატენდერო დოკუმენტაციის დანართი №1) გათვალისწინებულ მოთხოვნებს შემსყიდველს უფლება აქვს არ მიიღოს და მოსთხოვოს მიმწოდებელს ხარვეზის აღმოფხვრა მიმწოდებლის ხარჯით.

5.3. იმ შემთხვევაში თუ ხელშეკრულების 5.2. პუნქტის საფუძველზე არ განხორციელდა გაწეული მომსახურების მიღება, მიმწოდებელს დაეკისრება პირგასამტეხლო 13.1. პუნქტით გათვალისწინებული პირობების შესაბამისად და ხარვეზის აღმოსაფხვრელად განსაზღვრება ვადა **3 (სამი)** სამუშაო დღე.

5.4. მიმწოდებელმა შემსყიდველს უნდა წარუდგინოს მომსახურების გაწევის მიღება-ჩაბარების აქტი და საგადასახადო ანგარიშფაქტურა (იმ შემთხვევაში თუ მიმწოდებელი დღგ-ს გადამხდელია, ხოლო თუ მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა სსიპ შემოსავლების სამსახურიდან).

5.5. შემოსავლების სამსახურის ფინანსური დეპარტამენტის უფროსის მოადგილე ამოწმებს სახელმწიფო შესყიდვის შესახებ ხელშეკრულებათა შესრულების კონტროლის განხორციელების მიზნით მუდმივმოქმედი ინსპექტირების ჯგუფის

უფლებამოსილი წევრის/წევრების მიერ ინსპექტირების განხორციელების ფაქტს და შესაბამის ინსპექტირების აქტზე მისი/მათი ხელმოწერის არსებობას. შესაბამისი ფორმით შედგენილი ინსპექტირების აქტზე ხელმოწერების არსებობის შემთხვევაში ფინანსური დეპარტამენტის უფროსის მოადგილე ხელს აწერს მიღება-ჩაბარების აქტს.

6. ანგარიშსწორება

6.1. ანგარიშსწორება მიმწოდებელთან განხორციელდება, ლარებში, უნაღდო ანგარიშსწორების ფორმით, მიმწოდებლის მიერ ფაქტობრივად გაწეული მომსახურების ღირებულების შესაბამისად.

6.2. ანგარიშსწორება განხორციელდება მიმწოდებლის საბანკო რეკვიზიტებზე.

6.3. ანგარიშსწორება მიმწოდებელთან განხორციელდება ფაქტიურად გაწეული მომსახურების შესაბამისად. საბოლოო მიღება-ჩაბარების აქტის ხელმოწერის, შესაბამისი საგადასახადო ანგარიშ-ფაქტურის (კანონმდებლობით დადგენილ შემთხვევაში) გამოწერისა და წარმოდგენის შემდეგ არაუგვიანეს 10 სამუშაო დღის ვადაში. (იმ შემთხვევაში თუ მიმწოდებელი დღგ-ს გადამხდელია, ხოლო თუ მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა სსიპ შემოსავლების სამსახურიდან) არაუგვიანეს 10 (ათი) სამუშაო დღის განმავლობაში.

7. მხარეთა ვალდებულებები

7.1. „მიმწოდებელი“ ვალდებულია:

7.1.1. მიაწოდოს „შემსყიდველს“ სრულყოფილი და დროული მომსახურება;

7.1.2. „შემსყიდველს“ გაუწიოს მომსახურება ხელშეკრულების პირობების შესაბამისად და უზრუნველყოს თანმხლები დოკუმენტაციის წარდგენა;

7.1.3. უზრუნველყოს ნაკლის გამოსწორება 3 (სამი) სამუშაო დღის ვადაში;

7.1.4. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

7.1.5. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.1.6. მიმწოდებელი ვალდებულია არ გამოიყენოს აღნიშნული ვიდეო/გრაფიკული რგოლები კომერციული მიზნებისთვის;

7.1.7. მიმწოდებელი ვალდებულია ვიდეორგოლებში გამოყენებულ მუსიკებზე გააჩნდეს სრული საავტორო უფლება;

7.2. „შემსყიდველი“ ვალდებულია:

7.2.1. უზრუნველყოს „მიმწოდებლის“ დროული და სრული დაფინანსება;

7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2.3. აწარმოოს გაწეული მომსახურების ხარისხის კონტროლი;

7.2.4. დაიცვას ხელშეკრულებით გათვალისწინებული ყველა პირობა.

8. მხარეთა უფლება

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს:

8.2.1. განაცხადოს უარი უხარისხო მომსახურების მიღებაზე.

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და ღვა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13 ხელშეკრულების პირობების შეუსრულებლობა

13.1. იმ შემთხვევაში, თუ მიმწოდებლის მხრიდან ხელშეკრულებით გათვალისწინებული ვადების შესაბამისად არ განხორციელდა მომსახურების გაწევა, ყოველ ვადაგადაცილებულ დღეზე მიმწოდებელს დაეკისრება პირსაგამტეხლო შეუსრულებელი ვალდებულების ღირებულების 0,05%-ის ოდენობით ყოველ ვადაგადაცილებულ დღეზე.

13.2. იმ შემთხვევაში, თუ ხელშეკრულებით ნაკისრი ვალდებულებების არაჯეროვანი შესრულების, ან შეუსრულებლობისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 0,3%-ს, შემსყიდველ ორგანიზაციას უფლება აქვს შეწყვიტოს ხელშეკრულება.

13.3. შემსყიდველის მხრიდან ხელშეკრულების 6.3. პუნქტით გათვალისწინებული ანგარიშსწორების ვადების დარღვევის შემთხვევაში შემსყიდველს მიმწოდებლის სასარგებლოდ დაეკისრება პირგასამტეხლო შეუსრულებელი ვალდებულების ღირებულების 0,05% ყოველ ვადაგადაცილებულ დღეზე.

13.4. იმ შემთხვევაში, თუ შემსყიდველის მხრიდან განხორციელებული მონიტორინგის შედეგად გამოვლინდა რომ ვიდეორგოლის გადაღების პროცესი არ შეესაბამება წინამდებარე ხელშეკრულებით განსაზღვრულ ტექნიკურ მოთხოვნებს ან/და დასრულებული ვიდეორგოლები არ შეესაბამება ხელშეკრულებით განსაზღვრულ ტექნიკურ მოთხოვნებს ან/და დარღვეულია ხელშეკრულების მე-7 მუხლის 7.1.3 პუნქტით გათვალისწინებული ვადები მიმწოდებელს დაეკისრება პირგასამტეხლო მთლიანი სახელშეკრულებო ღირებულების 20%-ის ოდენობით და შემსყიდველი იტოვებს უფლებას ცალმხრივად შეწყვიტოს ხელშეკრულება.

13.5 იმ შემთხვევაში, თუ მიმწოდებლის მხრიდან დარღვეულია მე-7 მუხლის 7.1.6 ან/და 7.1.7 პუნქტებით გათვალისწინებული ვალდებულებები მიმწოდებელს დაეკისრება პირგასამტეხლო მთლიანი სახელშეკრულებო ღირებულების 20%-ის ოდენობით. ამასთანავე, აღნიშნული პუნქტების დარღვევით გამოწვეულ სრულ ზიანს აანაზღაურებს მიმწოდებელი.

14. ხელშეკრულების შეწყვეტა

14.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. საქართველოს მოქმედი კანონმდებლობით გათვალისწინებულ სხვა შემთხვევებში.

15. ხელშეკრულების მოქმედების ვადა

წინამდებარე ხელშეკრულება ძალაში შედის ხელმოწერისთანავე და მოქმედებს 2022 წლის 30 დეკემბრის ჩათვლით.

შემსყიდველი:

სსიპ შემოსავლების სამსახური

მიმწოდებელი:

მპს 13

მიხეილ ახვლედიანი

ფინანსური დეპარტამენტის უფროსი

ლაშა ბირკაძე

დირექტორი

შპს 13, სკ:402012629			დანართი N1 - ფასების ცხრილი	
N	შესყიდვის ობიექტის დასახელება	ტექნიკური აღწერილობა იხილეთ დანართის სახით	გასაწევი მომსახურების ღირებულება	მომსახურების გაწევის ვადა
1	გრაფიკული ვიდეორგოლის დამზადება	ვიდეორგოლი I - გრაფიკული, ხანგრძლივობა: 30 წამი. გრაფიკული ვიდეორგოლის საშუაშის აღწერა: ვიდეორგოლის დამზადების პროცესში, ვიდეორგოლის შინაარსობრივი, ვიზუალური და ხმოვანი მხარე (კადრების შერჩევა, გრაფიკის არჩევა, მონტაჟი, ფერთა კორექცია, მუსიკა, ხმოვანი ეფექტები, კადრის გარეთ ხმა) შეთანხმდება „შემსყიდველთან“ (შემოსავლების სამსახურის საზოგადოებასთან ურთიერთობის და მარკეტინგის დეპარტამენტის წარმომადგენლებთან). გრაფიკული ვიდეორგოლი იქნება ქართულ ენაზე. ვიდეორგოლის გავრცელება შესაძლებელი იქნება როგორც სოციალურ ქსელში, ისე სატელევიზიო სივრცეში. გრაფიკული ვიდეორგოლის დამზადება მოხდება შემდეგი ტექნიკური მახასიათებლებით: 1.საქართველოს სატელევიზიო სტანდარტი - SD DV PAL (16:9) 2. კადრის მიღმა ხმის სტუდიური ჩანაწერის - 16 bit. 48khz. (მაღალი გარჩევადობის ფორმატით/დეფექტისა და წუნის გარეშე) 4. ფერების სემპლინგი: 4:2:2 5. ანიმაცია: 3D სამუშაოების დაწყებამდე შემუშავდება იდეური კონცეპცია, შემსყიდველის მიერ დამტკიცებულ კონცეპციაზე მოხდება გრაფიკული ვიდეო რგოლის შექმნა. რგოლის კადრის მიღმა ტექსტს შექმნის მიმწოდებელი, ხოლო ტექსტს გაახმოვანებს პროფესიონალი მსახიობი. გრაფიკულ ვიდეორგოლს ახლდება ორიგინალური მუსიკა რაზეც გაგვანდება სრული საავტორო უფლება. დამზადებული/დასრულებული ვიდეორგოლი მოგვრეოდებათ დისკით ან მქსსიერების ბარათით. საბოლოო პროდუქტი შესრულებული იქნება მაღალი ხარისხით. შესყიდვის ობიექტის დამზადებისა და მიწოდების შემდეგ ვიღებთ ვალდებულებას შემსყიდველის მხრიდან რაიმე სახის ხარვეზის აღმოჩენისა თუ შენიშვნის შემთხვევაში, გავითვალისწინოთ ისინი და შევიტანოთ შესყიდვის ობიექტში შესაბამისი შესწორებები უსასყიდლოდ.	7000	
2	Full HD ფორმატში ვიდეო რგოლის დამზადება	ვიდეორგოლი II - ვიდეო ფორმატში დამზადებული, უწყების შესახებ, საიმიჯო ვიდეორგოლი, ხანგრძლივობა: 1 წუთი (იგივე ვიდეორგოლის შემოკლებული ვერსიის ხანგრძლივობა - 30 წმ). ვიდეო ფორმატში გადაღებული საიმიჯო/საინფორმაციო ვიდეორგოლის აღწერილობა ვიდეო გადაღებები განხორციელდება შემოსავლების სამსახურის წინასწარ შერჩეულ მოქალაქეთა მომსახურების სერვისცენტრებში, ასევე გაფორმების ეკონომიკურ ზონებსა და საბაჟო გამშვებ პუნქტებზე (საქართველოს მასშტაბით ჯამში 7 ლოკაცია). გადაღებაში ჩართული იქნება მომსახურების დეპარტამენტისა და საგადასახადო მონიტორინგის ოფიცრები, ასევე საბაჟო დეპარტამენტის მებაჟე ოფიცრები. ვიდეორგოლის ხანგრძლივობა არ უნდა აღემატებოდეს 60 წამს (ვიდეორგოლის შემოკლებული ვერსიის ხანგრძლივობა - 30 წმ). ვიდეორგოლი იქნება კადრის მიღმა ხმის გარეშე. ვიდეორგოლს ახლდება ორიგინალური მუსიკა რაზეც გაგვანდება სრული საავტორო უფლება. ვიდეორგოლის გავრცელება შესაძლებელი იქნება როგორც სოციალურ ქსელში, ისე სატელევიზიო სივრცეში. ვიდეორგოლის ტექნიკური მახასიათებლები: სარეკლამო კლიპის გადაღება განხორციელდება 4K ვიდეო ფორმატში. მონტაჟი და ფერთა კორექცია მოხდება უახლესი პროგრამებით და საჭიროების მიხედვით გამოყენებული იქნება გრაფიკული ელემენტები. ვიდეორგოლის გადაღებისას გამოყენებული იქნება არანაკლებ 1 (ერთი) კამერა - 4K - გაფართოების/სრული ოპტიკური აღჭურვილობით. ვიდეოს გადაღება განხორციელდება RAW ფორმატში, გადაღების დროს (საპერო კადრებისთვის) გამოყენებული იქნება დროინ აღჭურვილი 4K/60p 120 Mbps კამერით. ასევე, არანაკლებ 1 (ერთი) სატელევიზიო რელსი (ურიკა), ასევე არანაკლებ 1 (ერთი) სატელევიზიო აწვე მინიმალური სივრცით 12 მეტრამდე. ვინაიდან 7 სხვადასხვა ლოკაციაა გადასაღები კომპლექტში შესული იქნება აწვეს აწვობის ყველა შესაძლო ვარიანტი (შიდა და გარე გადაღებები). ამასთან, ვიდეორგოლზე მუშაობისას განხორციელდება მოქალაქეთა მომსახურების სერვისცენტრების/გაფორმების ეკონომიკური ზონების/საბაჟო გამშვები პუნქტების 3D ვიზუალიზაცია და გადაღებულ მომრავ კადრებში რეალისტური ინტეგრაცია. განათების სრული კომპლექტი 1 (0000-30000KW), კამერის სტაბილიზატორი, დამოუკიდებელი დენის წყარო/გენერატორი. ვიდეორგოლის გადაღების პროცესში ჩართული მინარელებისთვის/მსახიობებისთვის პროფესიული ვიზაჟისტის მომსახურება და კოსტიუმერების მომსახურება. საბოლოო პროდუქტი გადაღებული იქნება უმაღლეს 4K ხარისხში. გუზრუნველყოფით: მონტაჟს, გრაფიკას, მუსიკალურ გაფორმებას, ფერთა კორექტირებას. სამუშაოების დაწყებამდე გუზრუნველყოფით იდეური კონცეპციის/ვიდეო რგოლის სცენარის შემუშავებას. შემსყიდველის მიერ დამტკიცებულ კონცეპციაზე მოხდება ვიდეორგოლის გადაღება. დამზადებული/დასრულებული ვიდეორგოლი ჩაბარდება 4K და Full HD გაფართოებით. დასრულებული ვიდეორგოლი შემსყიდველს მიწოდებით ელექტრონულად დისკით ან მქსსიერების ბარათით. ვიდეორგოლი გადაღების პროცესი მონიტორინგს დაექვემდებარება შემსყიდველის მხრიდან. ვიდეოგადაღების პროცესი და დასრულებული ვიდეორგოლი სრულ შესაბამისობაში იქნება ტექნიკურ აღწერილობაში არსებულ მოთხოვნებთან. საბოლოო პროდუქტი შესრულებული იქნება მაღალი ხარისხით. შესყიდვის ობიექტის დამზადებისა და მიწოდების შემდეგ ვიღებთ ვალდებულებას შემსყიდველის მხრიდან რაიმე სახის ხარვეზის აღმოჩენისა თუ შენიშვნის შემთხვევაში, გავითვალისწინოთ ისინი და შევიტანოთ შესყიდვის ობიექტში შესაბამისი შესწორებები უსასყიდლოდ.	32713	მომსახურების გაწევა უნდა განხორციელდეს, ხელშეკრულების გაფორმებიდან 45 კალენდარული დღის ვადაში

სულ: 39713